

استبصار

نومبر ۲۰

پنجشنبہ

۲۸ کانون ثانی ۱۳۲۴

خلاصه کلام آووقاتر معلومات مخصوصه لریله فرانسه مجلس ملیسته بر معاونت نافعه ده بولونه بیلرلر ایدی ایسه ده عددلرینک اهمیت اجتماعیه لریله غیر متناسب بدرجه کثرته بولونماسی کندیلرینی مجلسک حاکمی قیلمقده و پارلمنتویه بر استقامت الیه ویرمکده در .

رهبان ایله صنوف عسا کر آووقاتر کبی پارلمنتویه مستولی دکدرلر . فرانسه مجلس مبعوثاننده مختلف صنفلر دن آنجق ایکی راهب واردر . بونک سببی بر طرفدن صنف رهبانک مجادلات انتخابیه عرض نفس ایتمکده حسب المسلمک مشکلات کورمه لری دیگر طرفدن بونلرک نفوذ و تحکمندن قورقولماسیدر .

عسکرلر کلنجه آنجق آلتی عسکری مبعوثه مالکدر . چونکه قانون خدمته بولنان بتون ضابطانه مجلس مبعوثان قیوسی مسدود بولوندوربور . بناء علیه بومقادیر قلیله دن بر حکم استنباط ایتمکله کمزه محل وامکان یوقدر .

(مابعدی وار)

۲۰۱

عثمانی فقرارور جمعیتک نظر تصویبده

خیرلی هم پک خیرلی برایش . دها دون واوللیسی کون ایران سفارتخانه سنک کوشه باشنده ایاقده طوران . بعضاً چومه لان الی یدی یاشنده کی چوجق کوزمک اوکنه کلیور . زوالی چوجق ایکی کون ، اوقارلی کسکین هوالی ایکی کون ایچنده نلر چکمشدر . صفوق ایلیکلرینه قدر ایشلمش ، ینه باغیرر اکلاشلماز برشیلرله باغیرر . درت دفعه کلوب کچدکجه نه سویلدیکنی ایشتمک ایستدم . موفق اوله مدم . البتده والبتده ، دیشلر تاثیر سرما ایله کلیدلنش ایدی . بی مجال صباحدن اقسامه قدر کذرکاه مارین وعابرینده قائماً طوران ، علیل ، نحیف بلکه ده آج برچوجق : انسانیتک ، ائی یورکلی آدملرک حمایه سنه محتاجدر بوحمایه عندالبشر نه قدر بیوک بره مقام اشغال ایدر ، نه درجه ده عالی و محترم بر خدمت طانیلر ایسه ، هر دینده هر ملتده ، هر عصرده آخرت ایچونده اولقدر عزیز

ومبارک بر مکافاة وثواب حاصل ایدہ جکی او کردہ لمش دنیل مشدر .

عثمانی فقرا جمعیتک او عالی مقصدی غزلردہ کوردیکم وقت ، مروج و مؤسسلرینہ بتون تعظیلات واحتراماتملہ علناً تشکر ایتکی ، فریضہ ذمت عد ایلمشدم . اکثر مشاغل سببلہ شمدی بہ قدر تأخر ایدن بوامل خاص ومقدسی بوکون ایفا وادا ایلمکله مفتخرم .

فقرا جمعیتک ، معینی اولمیان ، عالمہ سی بولنمیان ، یاخود امراض خصوصیه سی جہتندن ایش وکوجہ صالح اولہ میان ، بیچارکان حقندہ اک نافع واک یکی اصولاری تتبع ابدک نظامنامہ سی اوپولده ترتیب ایدہ جکندن امیدوارم . اعضای مؤسسہ نک وباشدہ بولنان ذواتک صیت شهرتلی بو امید ی برقاندہا تقویہ ایدر .

یکی اصولار دیدم . اوت! اوروپادہ یک یکی اصولار ، واردر . نہ قدر اولسہ آنلرینہ بو ایشلردہ بزدن ایلرودہ درلر . اونلرک نظامنامہ لرندن مستحسن عد اولنہ بیلہ جک شیلرینی آلقی بزم ایچون وظیفہ در . فرض عیندر . نظر تصویبکرہ عرض ایدہ جکم جہتی افادہ ایلہ ختم کلام ایلمک ایستیورم .

بزده قانون جزائک قرقنجی مادہ سنک برنجی فقرہ سندنہ ، دہا صکرہ کی فقراتندہ صبیان حقندہ بر جوق احکام واردر . تحقیق ایتدم ، نحری ایلدم ؛ بومادہ نک برنجی فقرہ سندن ماعداسی همان هیچ تطبیق اولنما مشدر . برنجی فقرہ سی بعض کرہ لر تطبیق اولنہ بیلمش . فقط ناصل؟ نہ صورتلہ؟ باباسی کفالت ایتمزسہ صبی غیر میز پولیس معرفتیلہ مدت مناسبہ حبس اولنہ جق . بو پولیس معرفتیلہ حبس نہ در؟ اصل حل اولنہ جق نقطہ ، نقطہ مہہ بودر . تبعاتمک نتیجہ سی بزہ ارانہ ایدیورکہ اوروپادہ بو کی جرم ایقاع ایتمش اولان صبیان Sociétés libres de bienfaisance دنیلان ہیئلرہ تودیع اولنور .

بو ہیئلرہ حکومت آبروجہ تخصیصاتدہ ویرر ایتش . دیمک اولیورکہ شفقتپرور جمعیتلری یالکز فقرا ایلہ ، یالکز معلول و بیچارکانلہ مشغول اولیور . انایتہ اولان خدمتی دہا ایلرویہ کتوریلہ رک فقیرالاخلاق اولان افراد جمعیتک ، عقل وتمیزی اولمیان صبیانک تہذیب اخلاقی ، اصلاح حالی ، وظیفہ نظیفہ سی دخی - استشارہ -

بو عالی جمعیتلره تودیع اولنور.

قانون جزای عثمانینک بو جهته متفرع اولان احکامی ، نه قدر تعدیلات اجرا اولسه بیسله باقی ولایتیقلر قالدیجقنده شهبه اولمدیغندن فقرا جمعیتلرجه ایلروده بوکا دایر بر خطرله حاضرملق لازمکه چکنی اونوتماق ایجاب ایدیور . ملل متمدنه ساروده مجرم اولان صیدان بر طرفدن شفقت هیئتلرینه ، عالیه لره تودیع اولنور . دیگر طرفدن نابالغ مرهقلره دارالتربیه écoles penitantiaries لره کوندریلیر . تعدیلات قانونیه اجرا اولندیغی صروده بو اصولک بزجه شایان قبول اوله جقنده امیدوارم .

بنابرین فقرا چوجقلری حمایه سنه آلان بوهیت محترمه دن نیاز واسترحام بودرکه جمعیتک تشکیلات ونظامات داخلیه سنک تنظیمی صروده بو جهتی کمال اهمیتله تدقیق و مناقشه بیورسونلر .

مدحت

معاهداتمز

۱۵

فرانسه قایتولاسیونلری

۱۱

یدنجی ۱۱۵۳ قایتولاسیونی حقنده مطالعات عمومی

«۱-تشاره» نك ۱۱ تشرین اول ۳۲۴ تاریخنه مصادفاً نشر اولنان ۶ نومرولی

نسخه سنده فرانسه یه ویرمش اولدیغمز قایتولاسیونلردن یدنجیسنك (۱۱۵۳) — (۱۷۴۰) نه کبی احوال واسباب تحتده اعطا اولندیغی بجملاً بیان ایدلشیدی . ۱۱۵۳ قایتولاسیونلری اولکیلری تتم و توسیع ایش و فرانسه ایله تجارت و کمرک خصوصاً سندن ماعدا مناسباً تمیزی اداره ایلیمکده بولنش اولدیغی جهته اهمیت عظیمه سنه بناءً شونك حقنده بعض مطالعات عمومی تمهیدی فائده دن خالی